



釋氏二十四孝序

善德堂藏書



童蒙問予曰佛法萬行以何為本也予
應之曰蓋萬行也以戒為首以孝為本
我大覺慈尊當其因緣出世之初說大
戒也便言孝名為戒孝者何也順之謂
也順者何也順性之謂也是以行雖萬
殊舉孝則收德雖無量語性則攝孝之




為道也若是之大且備矣悲夫能仁沒而慈氏未出矣魔說並行異端競起其放曠匪頭之徒則謂何膠細行而妨大道殺父亦得殺母亦得是漫見卓犖不羈之跡而不知其所以反常合道也庸昏不肖之類則謂出家之人棄恩入道即是報恩曷勞定省是又僅聞無為報

恩之言而不解其所以棄恩報恩也此皆引後世闡提之黨背真向妄同入火坑可不悲歎嗚呼子逆逃之也哉予嘗要自起予每有日課之暇讀僧史等之書而纂高僧之最篤於親者采之兩朝得二十四人也貽諸他人則吾豈敢自璧繅藉幾乎有年矣今幸示之子子去

而熟讀焉久則類之矣乎數日之後童
袖卷來曰孝僧之篇漸讀而略通但法
曠之與僧鏡乃喪恃怙而後出家或異
于今之選欵予曰不聞梵網乎發一切
願孝順父母師僧曠師之兼謹於奉師
固可法也矣鏡師之亦有始也無有卒
乎哉曰諸師之德唯止於此欵曰是弘

法之高僧道貴德邵矣今也則取孝之
一事而已他日自檢焉此吾之所以細
點出據也童蒙出予遂不廢其言記以
為序云

兼應乙未孟春上澣沙門日峯書于雒
寺之寓居



釋氏二十四孝

晉青山竺法曠

高僧傳

竺法曠姓臯下邳人早喪父母事後母至孝家貧無
產常躬耕以供色養及母亡行喪盡禮服闋割麀網
沙門竺曇印明叡有道行曠師事竭誠印嘗疾病危
篤曠乃七日七夜祈誠禮懺至第七日忽見五色光
明照印房戶所苦即愈



宋定林寺僧鏡

高僧傳

釋僧鏡姓焦本隴西人遷居吳地以孝稱家甚窶母
亡太守賜錢五千鏡苦辭不受廼身負王植松柏乃
廬於冢上泣血三年服畢出家晚果苦節過人亦為
謝靈運所重





齊鄴下道紀 續高僧傳 輔教編

釋道紀未詳氏族高齊之初威弘講說性至孝母游
 則身荷之每語人曰親供母者福與登地菩薩齊也
 為母縫補衣著食飲至其便利必親經理不許人兼
 或與之助紀曰吾母非君母也其形骸之累乃吾事
 也烏可以勞君幸勿相助



齊莊嚴寺道慧

高僧傳

釋道慧姓王餘姚人年十一從僧遠止靈曜寺後以
母年老欲存奉養乃移莊嚴寺母怜其志復出家捨
宅為福不遠精舍



梁光宅寺法雲

續高僧傳

釋法雲姓周氏義興陽羨人七歲出家天性誠孝勞
於色養及居母憂毀瘠過禮累日不食殆不勝喪僧
旻謂曰聖人制禮賢者俯就不賢者企及且毀不滅
性尚出儒宗况佛有至言欲報生恩近則時奉顏儀
使物生悅遠則啓發菩提以導神識何可恣情忘其
遠者耶雲乃割哀情微進飲粥



梁開善寺智藏

續高僧傳

輔教編

釋智藏姓顧氏吳郡人嘗遇師疾師不食多自藏亦
從之待師進飲藏還進飲及師沒乃心喪三年




梁草堂寺慧約

續高僧傳

輔教編

釋慧約字德素姓婁氏東陽人也年十七辭親登上虞東山寺剪落而約純孝通冥感一時思歸遄返遇父母垂死及臨訣若不能自存也孺慕嬰號不交人世




周中興寺道安

續高僧傳

釋道安俗姓姚馮翊胡城人住中興寺攜母相近每
且出觀手為煮食然後上講雖足侍人不許兼助乃
至折薪汲水必自運其身告人曰母能生養於我非
我不為供養卒于母世初無一息




新氏九匹



隋慧日道場敬脫

續高僧傳

釋敬脫不詳姓氏汲郡人也年少出家以孝行清直
知名自其聽孝也常施荷擔母置一頭經書及筆又
置一頭若至食時留母樹下入村乞食得以供母




唐韶州慧能

宋高僧傳

輔教編

佛祖統紀

釋慧能新州人姓盧氏少失父家亦屢空能鬻薪以
養其母將從師患無以為母之儲始欲為傭以取資
及還而母已歿慨不得以道見之遂寺其家以善之
終亦歸死于是




唐睦州陳尊宿

五燈會元 正宗贊 禪苑蒙求

釋道蹤號陳尊宿江南陳氏之後也住高安米山寺
 以母老東飯居閑房日織蒲鞋鬻米供養故有陳蒲
 鞋之號

新氏九四



唐普光寺慧璿

續高僧傳


釋惠璿姓吳揚州人年甫七歲心慕緇徒道見沙門
便忘返親依其信也遂放令事榮法師孝謹天然罔
由師訓每從榮遊履諸寺無敢少離或於榮牀下席
地而伏



唐安國寺子鄰

宋高僧傳

釋子鄰姓范氏兗州人幼自辭家從師十餘年一日
思親即歸而母終既三載矣鄰因詣獄廟求知母之
函趣乃敷尼師壇誦法華經其夜獻神果告母繫獄
受苦鄰悲號委頓而直登鄮山禮阿育王塔五鉢投
地叩頭哀訴忽聞有人呼聲仰見雲中其母謝曰承
汝之力得生忉利天故來報



唐大梵寺代病

宋高僧傳

釋代病台州人姓陳氏七歲喪父哀毀幾于滅性白
母出家矣以其嘗發大願盡一報代衆生之病人呼
曰代病不知其名